



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1204. Usque Ad Annum 1230

Fleury, Claude

August. Vind. [u.a.], 1763

VD18 90118030

§. 57. Ecclesia Latina in Romania.

[urn:nbn:de:hbz:466:1-66406](https://nbn-resolving.org/urn:nbn:de:hbz:466:1-66406)

Sæcul. XIII. Arbitris, quos ipse deligeret, five cum
 A. C. 1210. Patriarchis Hierosolymitano & Antio-
 cheno, componeret.

§. LVII.

* *Ager Thra-
 cius vel By-
 zantinus.*

*Du Cange
 hist. Const.
 l. II. n. 15.*

Ecclesia Latina in Romania.*

A biennio ad Papam deferebantur que-
 relæ Episcoporum Latinorum in Ro-
 mania, quod Henricus Imperator Con-
 stantinopolitanus, publicato Edicto sub-
 ditis suis potestatem ademisset bona sua
 Ecclesiis vel pacto inter vivos vel testa-
 mento donandi. Crediderat enim Im-
 perator hanc Legem esse necessariam,
 quia vires Regni in eo potissimum fixæ
 erant, quod Vasalli sui, acceptis Feudis,
 pro temporum illorum more, obsequia
 in bello præstare tenerentur; at fundis
 suis alienatis, militare non poterant. A-
 lli in patriam suam redire cogitantes,
 cum, novo Imperio & necdum stabilito,
 patrimonium venundaturis deessent
 emtores, honori sibi ducebant, illud Ec-
 clesiis conferre, a quibus etiam non ni-
 hil mercedis accipiebant.

II. ep. 12.

Verum Papa, rejectis his argumen-
 tis, Juri communi inhærendum esse ra-
 tus & Imperatorum Constitutionibus,
 per quas omnis conditionis hominibus
 bona sua Ecclesiis aut causis piis scribere
 liceret, literis die decima Martii an-
 no millesimo ducentesimo octavo datis,
 Henri-

Henricum Imperatorem monuit; ne hujusmodi Donationibus adversaretur. Tum Archiepiscopo Varisiensi & Episcopo Panideno in mandatis dedit; Censuris Ecclesiasticis eos coercerent, quicunque res suas Deo dicaturis obstaculum ponerent. In eundem sensum scripsit Innocentius Venetis, Constantinopoli degentibus, eorumque Magistratui, addito mandato, ad Decanum, Cantorem, & Thesauro S. Sophiæ Præfectum directo; contra reos Censuras adhiberent. Elapso biennio Papa, data die decima Julii anno 1210. ad Imperatorem Epistola, de hac re iterum conqueritur. Atque alia, eadem die data, eundem rogat, ut Romaniam Optimates ad restituenda Monasteria, Decimas, aliaque bona Ecclesiastica, a se usurpata, compellat.

Sæcul. XIII.

A. C. 1210.

ep. 13.

ep. 14.

8. ep. 98.

ep. 110.

ep. 99.

Non nulli Procerum in Græcia multo pejora tentarunt, qui, inita armorum cum Græco rebeli Michaelicio societate, ab Henrico Imperatore defecerunt. Is nomine proprio Michael Angelus Comnenus vocabatur, ex Joanne Angelo Sebastocratore & ejus pellice natus. Capta Constantinopoli, Latinis addictum se simulans, captata occasione, Thessaliam, Epirum, ac Regionem, quæ antiquis Ætholia dicebatur, cum Dyrrachio & Naupacto urbibus, in suam potestatem

*Du Cange
famil. Byz.
p. 208.*

Sæcul. XIII. A. C. 1210. tem redegit. Quin etiam Veteratorfi-
dem jurejurando promiserat Henrico
Imperatori, & Eustachio ejus fratri Co-
mitem Bononiensi, cui filiam suam natu-
majorem nuptui dederat; sed ruptis
omnibus humanitatis vinculis, quamvis
bellum Latinis publice non dixisset, su-
preum belli in Imperio præfectum,
centumque alios Ordinis equestris vi-
ros, turpi prodicione captos, virgis non
nullos cæcidit, alios detrussit in carce-
rem, alios interfecit, ac ipsum Bellidu-
cem ejusque Capellantum suspensos la-
queo peremit. Exinde, perfidis quibus-
dam Latinis auxilium præbentibus, Hen-
rici Imperatoris arces obsedit, vicos in-
cendit, Presbyteris Latinis, quotquot
comprehendere potuit, omnibus, ac et-
iam cuidam Episcopo electo cervices
amputavit. Alii ex Latinis sub Theo-
doro Lascari, Imperatore Græcorum,
Niceæ residente, stipendia merchantur,
quod pinguiora, quam Henricus Imper-
ator possit, militibus suis largiretur.
Id enim Innocentius Papa, Patriarchæ
Constantinopolitano scribens, queritur,
& subjungit: *Porro si ad Græcos Ro-
manicæ rediret Imperium, auxilia in
Terram sanctam mitti probiberent, ti-
mentes, ne iterum regno exuerentur.
Cum etiam priusquam Latini, ipsis pul-
sis, rerum Constantinopoli potirentur,*
nullis

nullis nostris precibus permoveri potuerint, ut Terræ sanctæ opem ferrent. Sæcul. XIII.
A.C. 1210.
Contra autem Isaacius Imperator Mabometis fanum, ut Saladino adularetur, Constantinopoli ædificari jussit. Denique nullus est dubitandi locus, quin, si Latinos ex Græcia possent ejicere, majore quam olim contumacia in schismate sint perseveraturi. Quare volumus, & districte vobis præcipimus: Latinos Excommunicationis pœna cobibete, ne Græcis, præsertim Michaelicio, adversus Imperatorem vel ejus subditos, ullum subsidii genus suppeditent. Monete, excitate Henricum Imperatorem, ut militibus stipendia liberaliter numeret, ne deficere ad Græcos egestas compellat. Hæc Epistola die decima Decembris anno millesimo ducentesimo decimo data.

Ex multis Epistolis, hoc anno datis, cognoscimus, quanto studio Papa curaverit, ut Ecclesiæ Metropolitanæ in Romania Latinis conferrentur, & quantum negotii faceffiverint ei Præsules neoelecti, cum alter in alterius jura involare, & sibi subditos, maxime Græcos, præter fas vexarent. 13. ep. 6. 15.
15. 26. 27.

§. LVIII.

Res Albigensium.

Sub finem anni superioris Raimundus Hist. Albig.
c. 33.
Comes Tolosanus, ad Regem Franciæ
O 4 pro-